



TOKOLOLO YA SETHUNYA 2020/2021
Tshiamelo e e sa tshwanelang go fetwa

DIKAEDI TSA TOKOLOLO YA SETHUNYA_____

Mominisetara wa sepodise o goeditse nako ya tokololo ya dithunya ya dikgwedi dile thataro (6) go simolola ka 1 Phatwe 2020 le go fitlha ka 31 Firekgong 2021, ka phasalatso ya tshedimoso ka fa Kaseteng ya mmuso.

Nako ya tokololo e tlhola tshono mo go maloko a setshaba go neelana ka dithunya tse di sa batlegeng kampo dithunya tse ba nang le tsona di se ka fa molaong, ga mmogo le ditlhabano le/kampo dikarolo tsa sethunya go tirelo ya Sepodise sa Aforika Borwa kwa ntle le poifo ya tshetso ya go rua sediriswa se.

Maikaelelo a nako ya tokololo, ke go fokotsa letamo le le golo la dithunya tse di seng ka fa molaong/tse di sa batlegeng, ditlhabano le/kampo dikarolo tsa sethunya tse di dikologang ka mo nageng.

Motho yo neelanang ka sethunya ka nako ya tokololo ya dithunya, go tla batlega gore a tlatse le go saena diforomo tse di tse di tlhokagalang kwa seteisheneng sa sepodise se se mo gaufi, le gore a gapeletse go fiwa khopi ya SAPS 548 (Foromo ya Tokololo).

**GO BONA TSHEDIMOSOTSO GO FETA, DIRA KAMANO TSWE –TSWE LE SETEŠENE SA TIKOLOGO
YA GAUFI KAMPO KANTOROLO E E MAGARENG YA GO KWADISA DITHUNYA
CENTRAL FIREARMS REGISTER) (CPR) SENTHARA YA TLHAELETSANO GO 012 353 6111
BEGA BOMENETSA MO GO 0800 701 701**

Go ya ka karolo ya molawana wa 139 (4) wa wa Molaowa taolo ya Dithunya (Firearm Control Act of 2000) (Act No.60 of 20000, motho yo a neelanang ka sethunya ka kobamelo ya tshedimoso e e phasaladitsweng go ya ka karolo ya molawana (1), a ka nna a dira lekwalokopo la lekwalogotetla mabapi le sethunya seo go ya ka molao o.

Lekwalokopo le le akantsweng mo go karolo ya Molawana 139(4) (a) e ka se nne kopo ya sethunya se se seng ka fa molaong fa bopaki jwa pele jwa ditokomane jwa mong bo sa kgone go tlhagisiwa.

Motho yo o dirang lekwalokopo la lekwalogotetla la sethunya jaaka go tlhagisitswe kwa godimo,o tshwanetse a obamele ditshiamelo tsa molao tse di tsamaisanang le kwalotetla ya sethunya ,e e akaretsang tse di latelang:

- » Tekanyetso mo go palo ya dithunyago go ditlhopha tse motho a ka di ruang go ya ka semolao.
- » Mokopi o tshwanetse a nne le setefikeiti se se amogelesegang sa bokgoni jwa sethunya sa laesense e a e kopileng.
- » Motho yo a kopang laesense ya sethunya, o tshwanetse a neelana ka sethunya ka sebele go mothapiwa wa Tokololo o o Tlhophilweng semmuso, mme a tlhatlhele kopo e e sa feteng matsatsi ale 14.

Motho fela yo a neelanang sethunya ka sebele go Mothapiwa wa Tokololo o o tlhophilweng Semmuso ke ena yo a ka dirang lekwalokopo la lekwalogotetla mo maemong a a jalo.

Kopo ya laesense ya sethunya e tshwanetse e romelwe go Mothapiwa wa Tokololo o o tlhophilweng semmuso o a nang le maikarabelo mo tikologong e mokopi a nngang ka gale, le gore o tshwanetse go obamela tse di latelang:

- » Khophi e e kanetsweng ya bokgoni jwa mokopi (Ge ele gore e setse e filwe).
- » Mo mabakeng a fa mokopi a se na setefikeiti sa bokgoni,o ka nna a dira kopo ya setefikeiti sa bokgoni ka tatelo ya ditshiamelo tsa Molao wa Dithunya(Firearm Control Act).
- » Foromo SAPS 271 e e tladitsweng mo mokopi a tlhagisitseng maikaelelo a go dira kopo ya laesense ya sethunya se se rileng. Lekwalo kopo la laesense ya sethunya le ka amogela fela, ke Mothapiwa wa Tokololo o o Tlhophilweng Semmuso ge fela le obamela ditshiamelo tsa Molao wa Dithunya (Firearm Control Act).
- » Neelana ka mabaka a thotloetso a a tlhaloganyesagang go ema nokeng tlhokego ya lekwalogotetla la sethunya,bogolo segolo e le setatamente sa maikano kampo tlhomamiso.
- » Neelana ka khophi ya lekwalogotetla la sethunya lele mo molaong, phemiti kampo lekwalogotetla le le tsamaisanang le sethunya se serileng (ge go le maleba).